

PREMIO DE LITERATURAS INDÍGENAS DE AMÉRICA PLIA



Convocatoria 2023

XI Edición

Pampa moneki moixmatis wan mowelitas kenihkatsa kinchiwah xochitlahtolli tlahkwilowanih ipan masewaltlahtol, **NI WEYI TLAMACHTILOYA UNIVERSIDAD DE GUADALAJARA, NI WEYITEKIKALKO SECRETARÍA DE CULTURA DEL GOBIERNO DE LA REPÚBLICA IKA TLAYEKANILLI DIRECCIÓN GENERAL DE CULTURAS POPULARES, INDÍGENAS Y URBANAS, NI WEYI TEKIKALKO SECRETARÍA DE CULTURA DEL ESTADO DE JALISCO (SCJ), NI WEYI TEKIKALKO SECRETARÍA DE EDUCACIÓN DEL GOBIERNO DEL ESTADO DE JALISCO (SEJ), NI WEYI TEKIKALKO MEXIHKAHMASEWALTLAHTOLTINIH INSTITUTO NACIONAL DE LENGUAS INDÍGENAS (INALI) WAN NI WEYI TEKIKALKO INSTITUTO NACIONAL DE LOS PUEBLOS INDÍGENAS (INPI), tlanohnotsa ma tekitikah ipan ni MASEWALXOCHITLAHTOLLI TLEN AMERIKA ITLANILIS PREMIO DE LITERATURAS INDÍGENAS DE AMÉRICA 2023, ika ni senkawalistli:**

- ▶ **SE:** Ipan ni 2023 xiwiwtl iixnextilis, ni Masewalxochitlahtolli tlen Amerika Itlanilis Premio de Literaturas Indígenas de América motemakas ika tlahkwilolli tlen axmoixnestok kampa tiixtomas se kamanalli motokachtia ensayo literario pampa mochiwa ika xochitlahtolli.
- ▶ **OME:** Weli tekitiesh ipan ni Masewalxochitlahtolli tlen Amerika Itlanilis Premio de Literaturas Indígenas de América nochi siwatlahkwilowanih wan tlahkwilowanih tlen masewaltepetsitsih tlen Amerika tlalli, axmoitas kanke namah mochantia.
- ▶ **EYI:** Ni tlahkwilolli tlen moixpantis moneki kiixnextis kenihkatsa moyehyetalia, tlen kihtosneki wan nohia kenihkatsa momanelowa tlahtolli ipan inehnemilis wan itlahtol tlen kitekiti wan kiampa kipalewis ma mosemoyawa, moolinis wan moyolmelawas masewalxochitlahtolli.
- ▶ **NAWI:** Tlen mokamatis wan moixpantis san setsi wan ika xoxolkayotl, tema del ensayo es único y libre, kema achi kentsi moneki 80 amatl kampa moihkwilohotok ika masewaltlahtol wan iwikal tlen mokwepatok ipan seyok tlahtolli tlen achi mokamatih kampa ewah, ika Arial machiyotl 12 ixkopintli iwewexkah, wan kawasantli ika 1.5 ma moixnextis.
- ▶ **MAKWILLI:** Masewalmeh tlen kihnekiseh moneki kiixpantiseh itlahkwilol ipan internet, ipan ni iswatl www.cunorte.udg.mx/plia kampa motemiltis se amahtlahtlanilistli wan motlatskiltis ni amatinih:
 - Itlahkwilol ika tlen moixnextis ipan imasewaltlahtol wan kiwasanis san ika se itokah tlen kitekiwis san ipan ni kamanalli motemakas ipan PDF.
 - Tlahtolkwepalistli tlen iwikal ika itlahtol tlen kampa ewah wan mowasanis san ika itokah tlen san namah kitekiwis ipan PDF.
- ▶ **CHIKWASE:** Ahmo sanseho motitlanis amatinih ika yolmelawalistli tlen masewalli moixpantis wan kanke kipantiseh, nohia kototsi tlahkwilolli kampa moihtos tlakiya kichihtok ika imasewaltlahtol, ma moolinis wan motekiwis, yani kihakokwis tekikalko tlen kiwikas amahtlalilistli wan san motekiwis ma mokixtis iyolmelawalis tlen kitlanis ni.
- ▶ **CHIKOME:** Ni tlanohnotsalistli motlapos wan kiselis tekittl pewas ipan 25 tonalli tlen abril mestli wan motsakwas ipan 21 tonalli tlen agosto mestli ipan 2023 xiwitl ipan 23:59 Mexiko Altepeltl ikawil. Axkema onkas kenke moselis tekittl tlah panos ni tonalli.

- ▶ **CHIKWEYI:** Axweli inkalakiseh:
 - I. Masewalmeh tlen tekittih ipan Comisión Interinstitucional del Premio de Literaturas Indígenas de América noso masewalmeh tlen tekittih ipan sekih tekikalmeh tlen kitlanohnotsa ni.
 - II. Masewalmeh tlen kinwelitaseh ni tekittl.
 - III. Ahkaya moixpantia ipan sekih tlanilistli wan kichihtok ma kinankilikah tlah kitlanihtok noso amo, noso kichihtok ma kintemakakah tlen kitlanihtok.
- ▶ **CHIKNAWI:** Eyi masewalmeh tlen kiixmatih ni xochitlahtolli kamanalli ipan Amerika (ome tlen nika Mexiko wan seyok sehkanok ewah) mosentiliseh wan kintlachiliseh ni tekittl, wan tlen kihtoseh motlepanitas. Tlah moselis tekittl ipan axiwikal kaxtilantlahtolli, moitas ma ni sentilistli kiplas ahkiya kitlahtolkwepas, kiampa achi kwalli kichiwas itekittl.
- ▶ **MAHTLAKTLI:** San setsi tomin itlanilis wan sanseho motemakas \$300,000.00 (Trescientos mil pesos, Mexiko tomin 00/100), nohia motlaxtlawas tlen moneki ika impuestos, ika tlanawatilli tlen namah onka ipan Xalisko Tlaltokayotl. Ni tlanilistli motemakas masewalli tlen kitlanis kema mochiwas mawistilistli kampa kiixmatiseh.
- ▶ **MAHTLAKTLI WAN SE:** Tlen kisatoh ipan ni Tlanohnotsalistli wan itokah masewalli tlen kitlani ni Masewalxochitlahtolli tlen Amerika Itlanilis Premio de Literaturas Indígenas de América momatiltis ipan se weyi sentilistli ika yolmelawanih ipan 25 tonalli tlen septiembre mestli tlen ni 2023 xiwitl.
- ▶ **MAHTLAKTLI WAN OME:** Ni mawistilistli kampa moixmatis mochiwas ipan 01 tonalli tlen diciembre mestli tlen 2023 xiwitl kema mochiwas ni Ilwitl Feria Internacional del Libro de Guadalajara ipan ni 2023 xiwitl ipan Xalisko, Mexiko.
- ▶ **MAHTLAKTLI WAN EYI.** Ni masewalli tlen kitlani kikawilis Comisión Interinstitucional del Premio de Literaturas Indígenas de América ika se itlahkwilol, wan amo kitlaxtlawas, axkitsakwiliseh ipan Mexiko noso sehkanok, mochiwas keh tlanilistli itlapankah moihkwilos, moyolmelawas, moixnextis, moixpantis ika masewalmeh, motemakas masewalmeh wan moixkopinas ni tlahkwilolli tlen kitlanihtok kiampa moixmatis ika tlahkwilolli, ika kakistli, ipan tepostinih plataforma digital tlen moixmati noso ayok momati, electrónico noso itlachiyalis tlen kisenkawas sentilistli, ika tlen onkas wan tlen monekis, nohia ma motekiwis wan axmotlailnamas ika makwilli xiwitl, weli moyankwilis, san amo mochiwas tlah kitlahtlaniseh ika tlahkwilolli wan achtowi 6 mestli tlen tonalli mochiwaskia.
- ▶ **MAHTLAKTLI WAN NAWI:** Ni masewalmeh tlen tekittih mosenkwa kintlepanitaseh tlanawatilli tlen ni Tlanohnotsalistli. Tlah amo kintlepanita ni tlanawatilli kinkixtiseh nimantsi.
- ▶ **KAXTOLLI:** Ni tekikalmeh tlen mosentiliah ika Comisión Interinstitucional del Premio de Literaturas Indígenas de América axkiseliah tlanankilistli tlen kinkawiliah masewalmeh tlah kiixkopinah itlapankah noso nochi tlen itekittl nohia masewalmeh tlen kiixpanoseh tlanawatilli Ley Federal de Derechos de Autor noso tlenweli seyok kamanalli tlen ni, tlah kiampa moneki kintlepanitaseh tlen kihtoseh tlanawatiyanih.
- ▶ **KAXTOLLI WAN SE:** Tlamantli tlen axmoitak ipan ni Tlanohnotsalistli kisenkawas sentilistli Comisión Interinstitucional del Premio de Literaturas Indígenas de América wan moneki nochipa motlepanitas.

Tlayolmelawalistli:

Universidad de Guadalajara
Centro Universitario del Norte
www.cunorte.udg.mx/plia
plia@cunorte.udg.mx
(499) 99 213 33 ext. 58210

Secretaría de Cultura
www.culturaspopulareseindigenas.gob.mx
Instituto Nacional de Lenguas Indígenas
www.inali.gob.mx
enlace@inali.gob.mx

FERIA INTERNACIONAL
DEL LIBRO DE GUADALAJARA

UNIÓN
EUROPEA

Invitada
de Honor
20
23
25 nov 3 dic

construyendo una unión de culturas



Expo Guadalajara